

# *Tuan te Mauri*





Ibukina bwa aron waakin rabwatara e na bon roota arora n te maiu n tamnei, e anganira tuua Tamara are i Karawa ake a tia ni karoaki ibukin karikirakean marurungira n rabwata ao n tamnei. Ngkai bon mwakoron Manga Kaokan ana euangkerio Iesu Kristo, e kaotia te Atua nakon te Burabeti Iotebwa Timiti arora n tararuai rabwatara bwa e aonga ni mena iroura Tamnein te Uea. Te kaotioti aei e bon ataaki bwa Tuan te Mauri. E na bon kainnanoaki te ongeaba nakon te tua aio ibukin te bwabetito nako nanon Ana Ekaretia Iesu Kristo Ibukia Aika Itiaki ni Boong Aika Kaitira. A korakora kakabwaia ake kanoan te berita nakoia te koraki ake a kaota aia onimaki n ongeaba nakon te tua aei.

## *Tera Tuan te Mauri?*

E kaota Tuan te Mauri te Uea nakon te Burabeti Iotebwa Timiti. Inanon te kaotioti aio ao ti a bon kauringaaki bwa ti na aki mooi n te mangin, n aki moko n te baake, ao ni mooi ni bwaai aika kabuehue, n aron te kobee ao te ii. Rimwi riki ao burabeti a tuangira bwa ti na aki kabonganai bwaai ake iai inanoia tuuraki aika tabuaki n te tua ke a kamaamate man kareketaati tangirakia. Tuan te

*Ibukin nakoraoin rabwatam ao tamneim, e tuangko te Uea bwa ko na kararoai bwaai aikai:*

- *Te Kamanging*
- *Baake*
- *Kobee ao te ii*
- *Bwaai ni kamanging aika taburoroko*
- *Bwaai riki tabeua ake a kamaamate ke a kareke tatangirakia*

Mauri e reirei naba bwa ti na karaurau ni kana te iriko ao ti riai ni kakani koraa, uaanikai, ao baanikai.

## *Kakabwaia ibukin Tuan te Mauri*

Kawakinan Tuan te Mauri e na karikirakea aroarom n rabwata ao n tamnei. E ngae ngke ko na bon rootaki n te kakaewenako ibukin marurungin te rabwata, te onge-aba nakon te tua aio e na buokiko ni karekea te maruru-ng ae raka nakon te rabwata ao te iango.

Inanon te Nu Tetemanti ao te Abotoro Bauro e taekina te rabwata bwa kanga te tembora: “Kam aki ataingkami bwa mwaneaban te Atua ngkami, ao E maeka Tamnein te Atua i nanomi? Ngkana e urua mwaneaban te Atua te aomata, ao ngaia e na uruaki iroun te Atua; bwa e tabu mwaneaban te Atua, are boni ngkami ” (1 I-Korinto 3:16–17).

Ngkana ko kawakina Tuan te Mauri, te tamaroa, te namakin, iteran anuam n tamnei e na tauraoi ni butimwaai kairiiri mairoun te Atua. Reiakina te kakauongo nakon ana kairiiri ao namakinan te tamnei. Ko na bon kauringaaki ibukin kangaanga ao ko na kairaki iroun te Tamnei ae Raoiroi. E na rikirake wanawanam ao am ataibwai. E na rikirake iroum te rau n te iango, rikirake ni kona ni babairea-arom, ao te konabwai ni koaua inanon te waaki ni maiu ao te tai ae imwaaira.





## *Tuan te Mauri*

*Te kaotioti aei, e karekeaki iroun te Burabeti Iotebwa Timiti n te 1833, aio te babaire mairoun Tamara are i Karawa nakoia Natina n te bong aei. Te kaotioti aio, ake a kona ni kuneaki inanon te Doctrine and Covenants, mwakoro 89 e taekin bwaai aikai:*

*Bon Tuan te Mauri, ibukin kabwaian te Ekaretia ao aomata aika itiaki inanon Tion. E bon angania bwa te moan tua ma te berita ao e bon karaoaki ni kaineti ma kanoan aia waaki aomata aika itiaki ake a mamaara ma ake a korakora riki mamaaraia*

*Inanon Tuan te Mauri, e tuangia aomata aika itiaki te Uea bwa, ibukina bwa te buakaka ma aekaki ni waaki nako aika a riki ao ake a na riki inanoia aomata ake taan kamwane ni karaba inanon boong aika kaitira, E a kaman kauringira n anganira tuan te mauri n te kaotioti*

*E bon aki tamaroa nakoira bwa ti na moi n te wain ke mooi aika kamanging*

*Aiaron naba, te baake e bon aki raoiroi ibukin te rabwata ke ibukin te kanaki ao e bon aki raoiroi ibukin te aomata*

*Mooi aika bue [te ii ao te kobee] a bon aki raoiroi nakon te rabwata ke ni kanaki*

*E a tia te Atua ni kariki aekaki n aroka nako ibukin maruru-ngimi, bwai ni kabane aika karikaki, ao a kabonganaki iroun te aomata*

*E a tia te Uea ni kariki irikon maan ao Maanikiba ibukin kabonganakina iroun te aomata ma te kakaitau; ma e ngae n anne e na riai ni kabonganaki te iriko ni man ma te karaaurau*

*A bane n raoiroi uaanikai ibukin kanakina iroun te aomata n aron naba uaan aroka aika kawakawa, are e kariki uaa, tao inanon te tano ke iaon te tano*

*Ao ni kabane aomata aika itiaki ake a uringnga ni kawakin ao man toui imwiin taeka aikai a na karekea te marurung inanoia ao inanon riia*

*Ao a na kunea te wanawana ao te kaubwai n te atatai ae korakora, ao kaubwai naba ake a raba*

*Ao a na biribiri man aki kua ao a na nakonako man aki bwaka n tong.*

*Ao e angania te Uea te berita aio, bwa te anera n tiritiri e na boriaoia, n aroia natin Iteraera, ao e na aki kamateia. (Tara Doctrine and Covenants 89:1, 3–5, 8–10, 12, 16, 18–21.)*





## *Katokan Kabonganaan Bwaai aika Kamamate*

Ngkana ko kabongana te baake, kamanging, kobee, te ii, bwaai ni kamanging aika taburoroko, ke bwaai riki tabeua ake a kamaamate ke ni kangaanga katokan kabonganakina, katokia ngkai. Ko na bon kakabwaiaki ma te rabwata ao te tamnei ae marurung. Tabeman aomata a karikirakea te anua ke tangiran te bwai ae aki kona ni katoka kabonganaanaa. Ngkana iai am kangaanga ni katokan aekan anua-aika reke man kabonganaan bwaai, tataro ni bubuti nakon te Atua bwa e na buokiko n onei mwiin iango aika kamaamate, waaki ni kakukurei, ao taian kariiri ma waaki aika tamaroa, ao man bongana nakoim. Ngkana ko kanoa maium ma waaki aika tamaroa ao man raoiroi, ao e na akea te nano ni kani karaoi ao mani uarereke naba tain karaoakiia. A na kona ni buokiko aekaki ni kaoti aikai:

- Baireia ni katokia. Tataro ao n aki mamamatam ma te nano ni koaua bwa e aonga te Uea ni buokiko n tokanikai iaon tangiran kabonganaan te bwai are e tangiria nanom.
- Kamatebwai man booki aika tabu. Kamatenanoi ikotan kibu n taeka ao kauringi n taainako. A na bon anganiko te korakora n tamneim.

*Keiakinna! Ngkana  
ko kamwakura ana  
Mwakuri ni Kamaiu  
inanon maium, ao e na  
buokiko te Uea, e ngae  
ngke am waaki  
e tara ni karaurau.*

- Bubuti te kakabwaia n te nakoanibonga bwa e na buo-kiko n totokoa te kariiri.
- Tewenakoi bwaai aika kamaamate, ao tai manga kare-kei riki.
- Korei taai, taabo, ao aekaki ni waaki ake ko a tia ni kariiriaki iai bwa ko na urua Tuan te Mauri. Taetae nakoia am karo, buum, taian mitinare, ao raoraom riki ake ko onimakinia bwa ko na kanga ni kanakoi bwaai ake ko a tia ni korei. N aron te katooto, kakaei waaki ni kukurei ke waaki ni kakakibotu are ko na aki kariiriaki iai. Ongora nakon katangitang aika raoiroi, beku ni ibuobuki nakoia tabeman, wareki booki aika tamaraoa, ke karaoa am waaki ni kamarurung ngkana ko a kariiriaki.
- Ira ana waaki ni kakukurei te Ekaretia. Ko na rikirake ni kaan riki nakon te Uea ao ko na rikirake ni korakora n tokanikai man tangiran bwaai aika kamaamate.
- Ira ana waaki te kurubu ae kona ni buokiko ke ni ka-rekea buokam mairouia taan rabakau.
- Tai mwaninga ae na buokiko te Uea ngkana ko katuka am mwioko Irouna. Aron katokan kabonganaan bwaai aikai e kona n rangi ni kangaanga, ao tabeman aomata a kona ni manga bwaka kaua n okiri anuaia ake ngkoo imwain ae a bon katokia raoi man aki manga karaoia. Keiakinna, ao tai kabwara nanom.

Ni karaoan te nanorinano ao te kokoaua ao ni bubuti nakon te Atua ao tabeman ibukin buokam, ko kona n tokanikai iaon tatangiran bwaai rinanon ana Mwakuri ni Kamaiu Iesu Kristo.

Ngkana ko maiuakina Tuan te Mauri, kakabwaia ake a beritanaki iroun te Uea a na riki bwa am bawai.

## *Babaire ao Kouru*

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---



## **REITAN TE KAMATEBWAI**

Titiraki ao koroboki aika tabu aikai a kona ni buokiko n reiakin riki reirei aika inanon te boki ae uarereke aei. A kona kabwara-bwaraan kiibu mai inano ao bwaai aika a taraaki inanon booki aika tabu a na kaotii nakoim ikotan kibu n taeka ao bwaai ni ibuobuoki riki aika kaineti ma taian tua aikai.

### **E aera ngkai I riai n taratara raoi ibukin bwaai ake a na rin nako inanon rabwatau?**

Taeka n Rabakau 20:1 (Baibara, O Tetemanti)

1 I-Korinto 3:16–17 (Baibara, Nu Tetemanti)

1 I-Korinto 6:19–20 (Baibara, Nu Tetemanti)

Doctrine and Covenants 89 (A kona ni buokiko taian mitinare ke kaain te Ekaretia bwa a na karekea am boki ae te Doctrine and Covenants. Ko kona naba n nakon te [www.mormon.org](http://www.mormon.org) ni kakaea iaon te rain.)

“Word of Wisdom,” *True to the Faith* (A kona ni buokiko taian mitinare ke kaain te Ekaretia bwa a na karekea am boki aei. Ko kona ni kunea iaon te rain n te [www.mormon.org](http://www.mormon.org).)

### **Baikara kakabwaia n te tamnei ao n rabwatara ake a na kona n reke man te ongeaba nakon ana tua te Atua ibukin marurungiu?**

Taniera 1:3–20 (Baibara, O Tetemanti)

### **E na kanga te Uea ni kakorakoraai ngkana I kariiriaki?**

Motiae 5:2 (Ana Boki Moomon, iteraniba 165)

Motiae 7:33 (Ana Boki Moomon, iteraniba 170)

Aramwa 13:27–29 (Ana Boki Moomon, iteraniba 262)

Ita 12:27 (Ana Boki Moomon, iteraniba 574)

# Tera Ae N na Riai ni Karaoria?



- Reitinako ni wareka Ana Boki Moomon.

Katautauan taian wareware: \_\_\_\_\_

---

- Maiuakina Tuan te Mauri. Tataro buokam ibukin kaawakinan te tua aei. Katei kouru ni karikirakea marurungin rabwatam ao tamneim ni kararoai bwaai aika kamaamate ao ni katuua kanakin te amwarake ae bongana ao tabeua riki waaki aika a na kamarurung.

- Naako ira te taromauri n te Taabati aei.

- Reitinako ni katauraoi ibukin te bwabetito.

Bongin te bwabetito: \_\_\_\_\_

- Nakon [www.mormon.org](http://www.mormon.org) n reirei riki taekan Ana Ekaretia Iesu Kristo Ibukiia Aika Itiaki ni Boong aika Kaitira.

- Reitinako ni marooro ma mitinare n reirei riki bwa a na kanga ni kakabwaiako inanon maium Ana tua te Atua.

Am tai ni marooro are imwina: \_\_\_\_\_

Araia mitinare ao nambwan aia tareboon:

---

---

---

ANA EKARETIA  
IESU KRISTO  
IBUKIIA AIKA ITIAKI  
NI BOONG AIKA KAITIRA

[www.mormon.org](http://www.mormon.org)

## Taekan Tamnei

Kunna i moa, 6, 9, 10, 14 iiron Steve Bunderson. © Steve Bunderson  
Iteraniba 2, taekana mairoun *Tari Joseph*, iiron David Lindsley. © David Lindsley  
Iteraniba 5 iiron Steve Bunderson ao Monique Saenz. © Steve Bunderson

© 2007 iiron Intellectual Reserve, Inc. Bon ti Intellectual Reserve, Inc. ae e na baireia bwa antai ae e na kona  
ni kabongana ao antai ae e na aki. Boretiaiki n te USA. Karaiakaki n te Ingiriti: 2/06. Karaiakaki rairana: 02/06.  
Raian *The Word of Wisdom*, Kiribati.

KIRIBATI



4 02011 53859 4  
01153 859